

O D L U K A

**O VRSTI, OSNOVNIM KRITERIJIMA I NAČINU
OSTVARIVANJA NOVČANIH PODRŠKI U PRIMARNOJ
POLJOPRIVREDNOJ PROIZVODNJI IZ BUDŽETA
UNSKO-SANSKOG KANTONA ZA 2009.GODINU**

Bihać april 2009.

Na osnovu člana 16. Zakona o Vladi Unsko-sanskog kantona („Sl. Glasnik USK-a“ broj: 05/08), člana Zakona o izvršenju budžeta USK-a za 2009. godinu („Sl.glasnik USK-a“ broj:) i članova 10 i 29. Zakona o novčanim podrškama u primarnoj poljoprivrednoj proizvodnji na Unsko-sanskom kantonu („Sl. glasnik USK-a“, broj:07/08) Vlada Unsko- sanskog kantona d o n o s i:

O D L U K U
O VRSTI, OSNOVNIM KRITERIJIMA I NAČINU OSTVARIVANJA NOVČANIH
PODRŠKI U PRIMARNOJ POLJOPRIVREDNOJ PROIZVODNJI IZ BUDŽETA UNSKO-
SANSKOG KANTONA ZA 2009.GODINU

OSNOVNE ODREDBE

I

Ovom Odlukom utvrđuju se vrste, osnovni kriteriji i način ostvarivanja novčanih podrški u primarnoj poljoprivrednoj proizvodnji (u daljem tekstu: Novčane Podrške) iz Budžeta Unsko-sanskog kantona za 2009.godinu (u daljem tekstu: Budžet USK-a).

Novčane podrške iz ove Odluke ostvaruju pravna i fizička lica (u daljnem tekstu: Korisnici) prema osnovnim kriterijima na način propisan u Uputstvu za ostvarivanje kantonalnih novčanih podrški u primarnoj poljoprivrednoj proizvodnji za 2009. godinu (U daljem tekstu: Uputstvo) Kantonalnog ministarstva poljoprivrede, vodoprivrede i šumarstva (U daljem tekstu: Ministarstvo poljoprivrede).

Ministarstvo poljoprivrede će donijeti rješenje o osnivanju Komisije za realizaciju novčanih podrški u primarnoj poljoprivrednoj proizvodnji iz Budžeta USK-a (u daljnem tekstu: Komisija), koja će u saradnji sa općinskim poljoprivrednim službama Unsko-sanskog kantona (U daljem tekstu: Općinska poljoprivredna služba), Upravom za inspeksijske poslove USK-a, Poljoprivrednim zavodom USK-a, Veterinarskim zavodom i drugim organizacijama vršiti obradu, analizu i kontrolu dostavljenih aplikacija Korisnika za sve vrste novčanih podrški u primarnoj poljoprivrednoj proizvodnji, a u skladu sa Uputstvom.

Na osnovu zahtjeva Korisnika za isplatu novčanih podrški, zapisnika Komisije o ispunjavanju uvjeta za ostvarivanje prava na novčanu podršku i obračuna visine naknade Kantonalni ministar poljoprivrede, vodoprivrede i šumarstva (U daljem tekstu Kantonalni ministar poljoprivrede) odobrava isplatu podrške iz Budžeta Kantona putem Kantonalnog ministarstva finansija – Trezora.

VRSTE PODRŠKI

II

Podrške u primarnoj poljoprivrednoj proizvodnji ostvaruju se za:

šifra	vrsta proizvodnje	obim proizvodnje	jedinica mjere	KM/ jedinici mjere	Ukupno KM
A	animalna proizvodnja				
1	sufinansiranje izrade mliječnog kartona, smanjenja otkupne cijene sirovog mlijeka i lab. pretraga kvalitete mlijeka	12.605.602	litara	0,1	1.260.560,20
2	uzgoj rasplodnih junica max. 1 junica	900	grlo	300	270.000,00
3	tov junadi 2-4 grla	200	grlo	200	40.000,00
4	stada slobodna od bruceloze u 2008.godini	5.000	grlo	10	50.000,00
5	premija uzgajivačima ovaca i koza koji su izvršili pretrage na brucelozu o vlast. trošku	5.000	grlo	10	50.000,00
6	<i>tov pilića od 5.000-300.000</i>	<i>1.000.000</i>	<i>komad</i>	<i>0,1</i>	100.000,00
7	<i>držanje koka nesilica (proizv. jaja) od1000-50.000</i>	<i>100.000</i>	<i>komad</i>	<i>1</i>	100.000,00
8	proizvodnja meda >300 kg.	90.000	kg.	0,7	63.000,00
9	subvencija registriranim otkupljivačima i prerađivačima meda	90.000	kg.	0,3	27.000,00
	ukupno animalna				1.960.560,20
	%				63,65%
B	biljna proizvodnja				
1	pivarski ječam >5 ha	100	ha	250	25.000,00
2	proizvodnja povrća na otvorenom (paprika, paradajz)>0,1 ha	2	ha	2.000,00	4.000,00
3	proizvodnja povrća na otvorenom (krastavac, >0,1 ha	60	ha	1000	60.000,00
4	proizvodnja povrća u zatvorenom>100 m ²	40000	m ²	2	80.000,00
5	nabavka sadnog mater. voćnjak drvenasto-jabuka, kruška šljiva, višnja,trešnja, orah i ljeska	8000	komad	3,5	28.000,00
6	nabavka sadnog mater. jagodičastog voća (malina i jagoda)	25	ha	10.000	250.000,00
7	nabavka sadnog mater. jagodičastog voća (kupina)	2	ha	4.500,00	9.000,00
8	proizvodnja gljiva m ²	10.000	m ²	5	50.000,00
9	<i>sadnice jag. voća u zatvorenom prostoru</i>	<i>30.000</i>	<i>komad</i>	<i>0,5</i>	15.000,00
	ukupno biljna proizvodnja				521.000,00
	%				16,92%
C	ostalo				
1	C-1 SUBVENCIONIRANJE NABAVKE : 1. SITNE MEHANIZACIJE(MOTOKULTIVATORA) 2. PRIKLJUČAKA ZA MOTOKULTIVATORE(prikolice, freze, plugovi,kosačice i prskalice) 3.OPREME za stočarstvo, pčelarstvo, povrtlarstvo, voćarstvo i vinogradarstvo: (aparati za mužu, inox posude,sistemi za navodnjavanje, motorne leđne prskalice, protivgradne mreže i mreže za zaštitu od ptica, prese za voće i grožđe).				200.000,00
2	novi plastenici	4000	m ²	5	20.000,00
3	proizvodnja u poljoprivredi realizirane u 2008. godini				105.867,00

4	organska poljoprivreda				50.000,00
5	projekat uvođenja selekcijskih metoda u ovčarstvu na području USK-a		projekat		20.000,00
6	sufinanciranje projekta LAG-a zbog korištenja pristupnih sredstava EU-a		projekat		25.000,00
7	izrada smjernica razvoja poljoprivrede USK-a od 2010-2012.god.				20.000,00
8	organizovanje poljoprivrednika		projekat	20.000/pr ojektu	150.000,00
9	rezerva				7.572,80
	ukupno ostalo				598.439,80
	%				19,43%
	UKUPNO kantonalni poticaji 2009. godine				3.080.000,00

OSNOVNI KRITERIJI ZA OSTVARIVANJE PODRŠKI

III

Opći kriteriji:

1. Fizičko ili pravno lice koje je ostvarilo primarnu poljoprivrednu proizvodnju ili djelatnost u 2009. godini na području Unsko-sanskog kantona (U daljem tekstu: Kanton), a koji se vode u registru poljoprivrednih proizvođača kod općinskih službi za poljoprivredu stiču pravo na ostvarivanje novčane podrške.
2. Fizičko lice koje nema dospjelih, a neizmirenih poreznih obaveza za prethodnu godinu prema Kantonalnoj poreznoj upravi. (Za korisnike koji nisu u sistemu PDV-a).
3. Fizičko i pravno lice koje nema dospjelih, a neizmirenih poreznih obaveza prema Kantonalnoj poreznoj upravi i poreznih obaveza prema Upravi za indirektno oporezivanje BiH za prethodnu godinu. (Za korisnike koji su u sistemu PDV-a)
4. Fizička i pravna lica koja redovno ispunjavaju svoje dospjele obaveze po zaključenim ugovorima o robnim, robno-novčanim kreditima i koncesijama sa Ministarstvom poljoprivrede stiču pravo na ostvarivanje novčane podrške (Član 7. Stav 1. tačka 7. Zakona o novčanim podrškama u primarnoj poljoprivrednoj proizvodnji na Unsko-sanskom kantonu, u daljem tekstu Kantonalni Zakon o novčanim podrškama).
5. U slučaju da se utvrđena kvota po vrstama novčanih podrški unutar jedne oblasti, radi objektivnih okolnosti u cjelosti ili djelimično ne iskoriste Ministarstvo poljoprivrede će svojom odlukom omogućiti da se neutrošena sredstva usmjere na druge stavke unutar te oblasti.
6. U slučaju da se utvrđena kvota po vrstama sredstava radi objektivnih okolnosti djelimično ne iskoristi, Ministarstvo poljoprivrede ima pravo da preusmjeri sredstva iz oblasti u oblast uz prethodno pribavljenu saglasnost Vlade Unsko-sanskog kantona.
7. U slučaju opravdane inicijative i potrebe da se u Odluku vanredno ugradi nova vrsta novčane podrške, a da se sredstva upotrijebe iz stavke rezervnog fonda ili iz već ugrađenih stavki u

ovoj Odluci, a čija sredstva nisu u cjelosti utrošena, Vlada Kantona će na prijedlog Ministarstva poljoprivrede, posebnom Odlukom odobriti formiranje nove stavke ili vrste novčane podrške i korištenje finansijskih sredstava iz rezervnog fonda ili iz već ugrađenih stavki za isplate nove vrste novčane podrške.

8. U slučaju da novčana sredstva budu nedostatna i pored primjene prethodna dva stava, a podnosioci zahtjeva za ostvarenje prava na novčane podrške ispunjavaju sve uslove propisane Zakonom, Odlukom i Uputstvom, nedostajuća finansijska sredstva će se isplatiti iz sredstava novčanih podrški za 2010.godinu.

Posebni kriteriji:

1. Podršku za sufinansiranje izrade mliječnog kartona i laboratorijskih pretraga kvalitete mlijeka i ublažavanje posljedica smanjenja otkupne cijene mlijeka (A-1) ostvaruju vlasnici mliječnih krava za koje Kantonalno ministarstvo ima evidenciju da su ostvarili pravo na federalnu premiju u IV kvartalu 2008.godine i I kvartalu 2009.godine u iznosu od 0,10 KM/litar isporučenog mlijeka.
2. Podršku za uzgoj rasplodnih junica (A-2) stiču registrovani uzgajivači čiji je rasplodni podmladak registrovan u Kantonalnoj Uzgojno-selekcijskoj službi (U daljem tekstu: Uzgojno-selekcijaska služba) i obilježen u skladu sa Pravilnikom o obilježavanju životinja i šemi kontrole kretanja životinja (Sl. glasnik BiH, broj: 28/03) u objektima koji su upisani u Registar Ministarstva poljoprivrede, a isti mogu koristiti za vlastiti uzgoj ili prodaju, ako uzgoje jednu priplodnu junicu. Za uzgojene dvije ili više junica, Komisija će zahtjeve usmjeriti na federalne poticaje.
3. Podršku za tov junadi (A-3) ostvaruju uzgajivači tovne junadi čija su grla registrovana u Kantonalnoj Uzgojno-selekcijskoj službi i obilježena u skladu sa Pravilnikom o obilježavanju životinja i šemi kontrole kretanja životinja (Sl. glasnik BiH, broj: 28/03), a koji utove i plasiraju najmanje 2, a najviše 4 juneta. Pravo na podrške za tov imaju tovljači sa najmanjim ostvarenim prirastom od 250 kg/kom. kod ženskih grla i 300 kg/kom. kod muških grla, sa najmanjom izlaznom težinom od 500 kg žive vage.
4. Premiju za stada slobodna od bruceloze u 2008.godini (A-4) ostvaruju uzgajivači ovaca i koza čija su stada u 2008.godini proglašena slobodnim od bruceloze. Visina premije iznosi 10 KM/grlo. Minimalan broj grla u stadu za koje se isplaćuje ova vrsta podrške je 30 ovaca i 25 koza.
5. Premiju za izvršene pretrage na brucelozu (A-5) ostvaruju uzgajivači ovaca i koza koji su izvršili pretrage na brucelozu u kompletnom stadu o vlastitom trošku. Visina premije iznosi 10 KM/grlo. Minimalan broj grla u stadu za koje se isplaćuje ova vrsta podrške je 30 ovaca i 25 koza.
6. Podršku za tov pilića (A-6) ostvaruju proizvođači koji u toku 2009.godine utove i isporuče minimalno 5.000, a maksimalno 300.000 komada utovljenih pilića u toku 2009. godine. Visina podrške iznosi 0,10 KM/komad.

7. Podršku za držanje koka nesilica (A-7) ostvaruju proizvođači koji u 2009. godini drže najmanje 1.000, a najviše 50.000 komada koka nesilica u proizvodnji jaja. Visina podrške iznosi 1,00 KM/komad.
8. Podršku za proizvodnju meda (A-8) ostvaruju fizička i pravna lica koja godišnje proizvedu i isporuče registrovanom otkupljivaču i prerađivaču meda najmanje 300 kg meda. Visina podrške iznosi 0,70 KM/kg proizvedenog i isporučenog meda.
9. Subvenciju za otkupljen med (A-9) ostvaruje registrirani otkupljivači i prerađivači meda. Subvencija za otkupljeni med iznosi 0,30 KM/kg meda.
10. Podršku za proizvodnju pivarskog ječma (B-1) ostvaruju proizvođači koji su zasnovali proizvodnju pivarskog ječma na najmanjoj površini od 5 ha.
11. Podršku za proizvodnju povrća na otvorenom (B-2 i B-3), ostvaruju proizvođači koji zasiju i proizvedu povrće na najmanjoj površini od 0,1 ha i plasiraju povrće na tržište ili registrovanom prerađivaču-otkupljivaču, a koji je u sistemu PDV-a.
12. Podršku za proizvodnju povrća u zatvorenom prostoru (B-4) ostvaruju proizvođači koji zasiju i proizvedu povrće na najmanjoj površini od 100 m² i plasiraju povrće na tržište ili registrovanom prerađivaču-otkupljivaču, a koji je u sistemu PDV-a.
13. Podršku (subvencija u nabavci kvalitetnog sadnog materijala) za podizanje novih voćnjaka (B-5, B-6 i B-7), ostvaruju proizvođači koji podignu zasad na površini od 0,1 do 1 ha kod drvenastih voćnih vrsta i jagodičastog voća.
14. Podršku za proizvodnju gljiva (B-8) ostvaruju korisnici koji zasnuju proizvodnju i proizvedu gljive na najmanjoj površini supstrata od 50 m², a iste plasiraju na tržište. Visina podrške iznosi 5,00 KM/m² supstrata.
15. Podršku za zasnovanu proizvodnju jagoda u zatvorenom prostoru (B-9) ostvaruju proizvođači koji su 2009. godine zasadili jagode u zatvorenom prostoru u vertikalnom uzgoju na najmanjoj površini od 100 m². Visina podrške iznosi 0,5 KM/živić.
16. Subvenciju nabavke sitne mehanizacije, priključaka i opreme (C-1) u iznosu od 25% nabavne cijene ostvaruju poljoprivredni proizvođači koji su nabavili poljoprivrednu mehanizaciju, priključke i opremu u periodu od 01.01.2009. do 31.10.2009. godine i dostavili račun o nabavci. Maksimalan iznos koji se može odobriti iznosi 6.000 KM po korisniku.
17. Podršku za podizanje novih plastenika (C-2) ostvaruju korisnici koji u 2009. godini podignu plastenik minimalne površine od 100 m² i ostvare najmanje jednu proizvodnju u 2009. godini. Visina podrške iznosi 5,00 KM/m² novo izgrađenog plastenika.
18. Podrške za proizvodnje u poljoprivredi realizirane u 2008. godini (C-3) ostvaruju proizvođači koji su u 2008. godini realizirali proizvodnju i kojima je odobrena novčana podrška, a nije isplaćena. Podrške se isplaćuju za slijedeće vrste proizvodnje:
 - Uzgoj rasplodnih junica u iznosu od 2.000,00 KM,
 - Tov junadi u iznosu od 500,00 KM,

- Proizvodnja mlijeka u II i III kvartalu 2008. godine u iznosu od 9.188,00 KM,
- Držanje koka nesilica u iznosu od 40.619,00 KM,
- Subvencija nabavke mineralnih đubriva u iznosu od 33.560,00 KM i
- Organizovanje poljoprivrednika u iznosu od 20.000,00 KM.

 UKUPNO: 176 korisnika 105.867,00 KM

19. Podršku organskoj poljoprivredi (C-4) ostvaruju poljoprivredni proizvođači koji certificiraju organsku poljoprivrednu proizvodnju u 2009. godini. Proizvođači organske poljoprivrede ostvaruju slijedeće vrste podrške:

- za certifikaciju 50% iznosa certifikacije od strane certifikacijske kuće Organska kontrola na osnovu računa za certifikaciju,
- za certificiranu biljnu proizvodnju na osnovu zapisnika certifikacijske kuće Organska kontrola. Visina podrške iznosi 300,00 KM/ha certificirane biljne proizvodnje i
- za certificirani med na osnovu zapisnika certifikacijske kuće Organska kontrola. Visina podrške iznosi 2,00 KM/kg certificiranog meda.

Proizvođači organske poljoprivrede ne mogu ostvariti podršku sa federalnog nivoa za istu vrstu proizvodnje.

20. Podršku za Projekat uvođenja selekcijskih metoda u ovčarstvu na području Unsko-sanskog kantona (C-5) ostvaruje Poljoprivredni zavod USK-a na osnovu dostavljenog projekta. Visina podrške iznosi 20.000,00 KM.

21. Podršku za sufinansiranje projekta u poljoprivredi Lokalne akcione grupe Una-Sana (C-6) ostvaruje LAG Una-sana na osnovu dostavljenog projekta. Visina podrške iznosi 25.000,00 KM.

22. Podršku za izradu Smjernica razvoja poljoprivrede Unsko-sanskog kantona od 2010 do 2012.godine (C-7) ostvaruje Poljoprivredni zavod Unsko-sanskog kantona kao nosioc ovog projekta. Ministarstvo poljoprivrede USK-a će u saradnji sa Poljoprivrednim zavodom USK-a formirati radnu grupu stručnjaka koja će izraditi ovaj projekat.

23. Podršku za organizovanje poljoprivrednika (C-8) ostvaruju udruženja poljoprivrednika i zemljoradničke zadruge za dostavljene programe i projekte. Visina podrške iznosi maksimalno 20.000,00 KM po korisniku.

25. Rezervna sredstva (C-9) za hitne i nepredviđene izdatke (elementarne nepogode i eventualni nedostatak sredstava po navedenim vrstama proizvodnje) koji se pojave tokom budžetske godine isplatiće se korisnicima iz ovog rezervnog fonda. Visina rezervnog fonda iznosi 7.572,80 KM.

NAČIN OSTVARIVANJA PODRŠKI

IV

Novčane podrške se ostvaruju na način propisan u Upustvu Ministarstva poljoprivrede.

Obradu svakog zahtjeva za isplatu podrški i obima traženih sredstava će vršiti Komisija u skladu sa Uputstvom.

Komisija je u obavezi da vodi evidenciju primljenih i obrađenih zahtjeva.

V

Radi koordinacije aktivnosti po podrškama, zadužuje se Kantonalno ministarstvo finansija - Trezor da mjesečno u pisanoj formi, izvještava Ministarstvo poljoprivrede o izvršenju isplata za sve vrste podrški.

VI

Nadzor nad sprovođenjem ove Odluke vrše Ministarstvo poljoprivrede u saradnji sa Kantonalnom upravom za inspekcijske poslove, svako u okviru svojih nadležnosti.

VII

Za realizaciju ove Odluke zadužuju se Ministarstvo poljoprivrede i Kantonalno ministarstvo finansija - Trezor, svako u okviru svojih nadležnosti.

VIII

Zadužuju se Kantonalno ministarstvo poljoprivrede i Kantonalno ministarstvo finansija, da Vladi Unsko-sanskog kantona dostavljaju na kraju Budžetske godine izvještaj i analizu o realizaciji podrški iz ove Odluke.

IX

Odluka stupa na snagu narednog dana od dana objavljivanja u «Službenom glasniku USK-a».

Broj:03-017-1584/2009

Bihać, 14.05.2009.godine

PREMIJER

Šemsudin Dedić

OBRAZLOŽENJE

Primarna poljoprivredna proizvodnja u našim uvjetima predstavlja prioritetnu granu za održavanje i budući razvoj našeg društva.

Prirodni uvjeti koje imamo i velika nezaposlnost ovoj grani podiže značaj. Sa 28.04.2009.godine na području USK-a registrirano je 9.830 poljoprivrednih proizvođača, koji se ovom granom djelatnosti bave kao osnovnom ili dopunskom. Znači cca 40.000 stanovnika ostvaruje prihod (osnovni ili dopunski) iz poljoprivredne proizvodnje.

Uvozimo nepotrebno velike količine poljoprivrednih proizvoda veoma sumnjivog porijekla i na taj način izvozimo novac, odnosno radna mjesta. Kroz novčane podrške u poljoprivredi utičemo na povećanje domaće proizvodnje, na smanjenje uvoza poljoprivrednih proizvoda i povećanje izvoza poljoprivrednih proizvoda i prerađevina. Uvoz biljnih i animalnih poljoprivrednih i prehrambenih proizvoda te uvoz živih životinja u 2008.godini je iznosio 15.891.857,64 KM, ili 4,83% ukupnog uvoza koji je iznosio 329.134.411,90 KM. Ukupan izvoz sa područja USK-a u istom periodu je iznosio 193.211.274,83 KM, od toga izvoz biljnih i animalnih poljoprivrednih i prehrambenih proizvoda je iznosio 6.847.001,76 KM ili 3,54%. Ostvarena je ukupna robna razmjena poljoprivrednih proizvoda i prerađevina u iznosu od 22.738.859,40KM. Trgovinski bilans je negativan i iznosi -9.044.855,88 KM. Pokrivenost uvoza izvozom iznosila je 43,08%.

Odluka je rađena sa osnovnim ciljem podrške proizvodnji hrane za domaće tržište i stvaranje pretpostavki za izvoz. Nastojali smo zbog preporuke Federalnog ministarstva poljoprivrede u vezi harmonizacije poticaja, da se po istom osnovu, odnosno za istu proizvodnju ne mogu ostvariti federalni i kantonalni poticaji. To znači da sve vrste podrški koje nisu obuhvaćene u federalnim poticajima Kantonalno ministarstvo poljoprivrede je planiralo na kantonalnom nivou, a s ciljem podrške razvoju strateških poljoprivrednih proizvodnji za Unsko-sanski kanton. Sugerišemo i općinama da primjene preporuku Federalnog ministarstva poljoprivrede o harmonizaciji poticaja.

Osnovni parametri koje smo koristili za izradu Odluke su bili:

- Količina i novčana vrijednost prošlogodišnjeg uvoza artikala koje podstičemo,
- Osnovna strateška opredjeljenja u primarnoj poljoprivrednoj proizvodnji,
- Stanje resursa u prošlosti i danas,
- Analiza Kantonalnih i Federalnih podrški u 2008.godini,
- Mišljenja naučnih institucija, proizvođača i prerađivača poljoprivrednih proizvoda, komora, grupacija i udruženja.

Sredstva sa kojima raspoložemo (3.080.000,00 KM) smo razdijelili u tri oblasti i to:

- Podrške u stočarstvu,
- Podrške u biljnoj proizvodnji i
- Ostalo.

Raspodjela finansijskih sredstava po oblastima proizvodnje je rezultat studioznih analiza i približna je odnosu zastupljenosti pojedinih proizvodnji na terenu.

U stočarstvu je predviđeno 9, u biljnoj proizvodnji 9 vrsta podrške, pod „ostalo“ 9 stavki. Procentualni odnos je slijedeći: 63,65% animalna proizvodnja, 17,56 % biljna i 18,78 % ostalo.

Sistem novčanih podrški će imati smisla ako svaki učesnik u proceduri realizacije novčanih podrški bude u potpunosti poštivao Odluku i Uputstvo u kojima su precizno propisane obaveze, prava i dužnosti svih učesnika.

Da bi se sistem realizacije podrški održao i razvijao, biće potrebno da posebnu pažnju skrenemo inspekcijama da koriste svoje ovlasti.

U poglavlju III – **Osnovni kriteriji za ostvarivanje podrški**- propisani su opći i posebni kriteriji za ostvarivanje podrški za fizička i pravna lica (sjedište, odnosno boravište na teritoriji Kantona), pomoć općinskih poljoprivrednih službi poljoprivrednim proizvođačima za ostvarivanje podrške, odnosno posebni kriteriji za ostvarivanje novčanih podrški u primarnoj poljoprivrednoj proizvodnji za svaki vid podrške posebno.

U poglavlju IV – **način ostvarivanja podrške**-uređuje se način ostvarivanja podrške i kontrola opravdanosti zahtijeva za isplatu podrški, obima traženih sredstava i način isplate.

Podrške se ostvaruju u skladu sa Uputstvom za ostvarivanje podrški koje propisuje Ministar poljoprivrede.

Također je propisano da Kantonalno ministarstvo poljoprivrede, vodoprivrede i šumarstva vrši nadzor nad sprovođenjem i realizacijom ove Odluke u suradnji sa Upravom za inspeksijske poslove USK-a (svako u svojim nadležnostima) te da izvještava Vladu Kantona godišnjim izvještajem sa analizom o realizaciji podrški iz ove Odluke.

FINANCIJSKA SREDSTVA

Za realizaciju ove Odluke predviđena su sredstva u Budžetu Unsko-sanskog kantona za 2009. godinu u visini od 3.080.000,00 KM u razdjelu 20, glava 01, potrošačka jedinica 0001, ekonomski kod 614400, subanalitika KAO002 - subvencije u poljoprivredi.